


詩

山集

附詩



蘇 燕 對 書

序

今文集

卷五 辛

劉焯田文端

魏尚書衛氏以建晉

賜書樓藏板

陽城田文端

公文集

雍正辛亥年刻

序

三晉之文自漢太史令龍門司馬氏肇其宗而  
吾邨光祿張馮翊鮑司隸馮從事衍之其後介  
休郭氏遂爲海寓學者文行之宗至魏晉而河  
東文學大盛安邑魏尚書衛氏以逮晉黃門洗  
馬中都馮翊孫氏聞喜八裴太原諸王胥以文  
名世南渡則聞喜郭記室號中興文章第一馮  
翊孫廷尉號一時文宗秘監又號良史而其陟

賜書樓藏板

陽城田文端

公文集

雍正辛亥年刻

序

三晉之文自漢太史令龍門司馬氏肇其宗而  
吾邨光祿張馮翊鮑司隸馮從事衍之其後介  
休郭氏遂爲海寓學者文行之宗至魏晉而河  
東文學大盛安邑魏尚書衛氏以逮晉黃門洗  
馬中都馮翊孫氏聞喜八裴太原諸王胥以文  
名世南渡則聞喜郭記室號中興文章第一馮  
翊孫廷尉號一時文宗秘監又號良史而其陟

鈞樞而言克立者則魏太原王氏司空之治論  
晉錄尚書之號文籍先生聞喜裴氏司空之圖  
地域職貢司空子右僕射之論崇有辨才而魏  
太原司空元孫中書令文獻公之論廢莊而美  
通葛也元魏以降常侍太原溫氏天才清婉江  
東至有恨我詞人數窮百六之慨內史汾陰薛  
氏號齊周隋三代文宗而是時龍門王氏元經  
禮樂論續詩續書讀易中說實爲千百禩學者

演經析道之宗內史子唐天策記室當時稱其  
文曰登泰山俯滄海王氏弟太樂丞孫弘文學  
士遞衍河汾業以逮沛府修撰天才宏傑自龍  
朔以後又實爲唐二百年文章之宗解柳州柳  
氏偕韓吏部胥號大家太原少傅白氏百道判  
諸篇駸馳海寓當時且疑掩出吏部右其它若  
祁縣中書侍郎二溫氏觀察王氏河東給事王  
氏修撰柳氏河中衡州呂氏諫議樊氏太原左

僕射王氏虞鄉常侍柳氏禮部司空氏又祁縣  
襄陽巡官溫氏以文名世未易悉數陟鈞樞而  
工言者亦滋繁而其尤克較著則祁縣中書令  
溫氏之書命汾陰記室子中書令之文誥而聞  
喜裴氏司徒中書令文忠公之雋宏辭而入制  
策異等也宋承唐五代後惟侍御史大名柳氏  
其系實出於解而陟鈞樞而言立者則介休守  
太師文氏之雋省元夏左僕射文正公司馬氏

之集百一十六卷又通鑑稽古家範日錄諸書  
多至數百卷以翼經析道而實克立千百禩承  
學士宗也金承唐宋後文學尤盛忻州左司元  
氏又實爲六百年來文章之宗而太原講議李  
氏伙佐之以逮元陵川侍讀學士郝氏雁門臺  
經歷薩氏晉寧承旨張氏暨明梁園蒙溪白巖  
虎谷樓居文谷肖山藐山諸公胥以文名至陟  
鈞樞而蘄立言者則蒲州二少師張氏韓氏山

陰少保王氏而河津文清公薛氏雖不靳立言  
而言實克模楷學者以約之宗也

國家文治熙融覃薄海內外古文辭之訣獨視宋元  
祐建中以後爲正公卿大臣漸漬沐浴而濩澤  
田公少讀書於城東之虎谷研精制義尤肆力於  
古文辭其言豐而不侈藻而不縟約而不嗇廉  
而不劇明哲而不爲徑盡繁匝而不爲骯骯蓋  
不惟材博格鉅得裴司空溫中令當制之體而

郭記室之奇采薛記室之崢泓柳州之倣削  
柳侍御之疎縱千彙萬狀實克牢籠而經緯之  
不惟折漢宋兩司馬之衷而并得其識與骨以  
言之精宣經之奧推行之實以克定厥宗抑以  
拔奇標正於宋劉檢討史志通曆金李應奉遺  
集元郝讀學讀書外傳之表而偕之參翔小有  
輝映太形不惟宋南渡以後邈焉尠儷而抑當  
晉而索其宗於西漢傳解中唐集錄之間此則

序  
四  
埃百世知言之君子繇魏晉以後陟鈞樞而言  
立者胥參覈焉而抑克少令海寓憔悴枯槁之  
士較工拙於秒忽者之庸有以樂乎此也

公爲文雅多散軼比 詰嗣省曹君暨其族屬搜

得五十餘篇而札命 大文 謨序 大文 嘗侍

公誨指陳古今文章雅俗真僞諄復不厭而於三  
晉前輩以上溯漢唐宋人士之列在儒林文苑  
者論之尤詳以愨爰敷繹 誨指而推其繇流

別而衷統要者若此若夫

公在日月之際謨謀密勿暨它蒞職治績以克纘

文忠文正文清者此則埃之史官不具論肄業

陽羨儲 大文 肅書





賜書樓嶢山集目錄

卷之一

三晉田從典克五甫著

頌

日月合璧五星聯珠頌

聖治光昭河清獻瑞頌

奏疏

請禁調繁疏

請定行取考選之例疏

自陳疏稿

乞歸疏稿

謝

恩賜筵宴摺子

遺疏

擬積貯疏

擬疏通選法疏

卷之二

序

武會試錄序

順天鄉試錄序

策問

辛丑會試策問 一道

癸卯武會試策問 一道

甲辰順天鄉試策問 一道

策問 四道

卷之三

記

記

御賜詩扇石刻後

英德縣學宮新建啓聖祠碑記

近聖書齋碑記

書齋八約

識三鄉賢記後

記枕木 並詩

英德縣學宮新修青雲路碑記

先大夫墓表後記

題李熹元扁後

書

答左馮

與家西疇書

答白彥京書

祖宗會首公書

與姪孫于郡書

與家樹滋書

陞任家書

與姪愬書

峯山集  
答姪孫于郡書

修墳家書

雜著

迂愚說贈開翁殷大司馬

選陶庵先生四書文

雜說二

書贈俞丞詩後寄白彥京

卷之四

表誌

洎谷張公墓表

坦菴呂公墓誌銘

趙太公墓誌銘

田母鍾孺人墓誌銘

白母王太孺人墓誌銘

彥京白公墓誌銘

先考府君暨先妣延孺人梁孺人白孺人合葬墓誌銘

祭文

祭英德縣城隍神文

焚黃祭文

補刻

送英石啟韶州權部

復翁源縣

復介休石學博

囑二屬

致清遠縣

致清遠縣

復肇府協鎮

啟馮廣州

自公張公墓誌

自公張公壽文

寶室雙節表

繩武張君墓誌銘

題陳儀部濂村詩鈔



日月合璧五星聯珠頌謹序

臣聞惟德動天有孚斯應惟天祚德曆象攸彰互照重  
輝之盛上紀昌時聚房居翼之祥遠稽帝代皆由至道  
充備而綏祉聿臻元氣弘敷而嘉徵丕著然未有二儀  
寧謐三辰表式序之期萬類咸亨七曜煥連編之彩昭  
然上瑞皎若合符者也欽惟我

皇上

治邁唐虞

仁同覆載

稟知臨之宜德備乎有容有執有敬有別  
具廣運之量詣極乎乃聖乃神乃武乃文

泰交洽而咨倣臣隣

異命申而敷陳彝訓

臨雍講學攬金聲玉振之大成

耕藉勸農親黛耜朱紘之盛典

廣虛受之益

聖不自聖而猶勤

弘好生之心刑則無刑而彌慎四海梯航重譯貢越裳之

鳥萬方玉帛南車消涿鹿之兵神蒼翠蒨之生雲霏霧  
集瑞麥嘉禾之慶歲見月彰茲

御極之三年屆仲陽之吉月葭管候氣而律應夾鐘蕤莢依  
時而榮舒二葉表祥符於峻極式元象於高穹珠聯五  
緯之光璧合雙輪之麗輝煌瑞色上映丹青炳耀澄暉  
遙瞻碧漢位當營室翼清廟之巍巍宮在媿訾肅天門  
之靄靄一陰一陽之道鼓舞以盡神合明合序之機黍  
累而不爽協氣周夫八極祥光入於

九重粵自顓頊曆元以來推夫羲和歲成之後於

鳴山集  
今尤盛自古爲難乃

聖治極於光華

皇衷肅於臨保惟知敬以作所豈止謙而彌光旦明則昭事  
維嚴陟降而不承無斃載瞻嘉貺篤念

貽謀爰考典儀展忱孝享馨香俎豆用偕

至德以升聞璀璨

絲綸聿俾普天而同祐夫神雀甘露尚紀編年寶鼎芝房猶  
聞樂府垂諸史冊奉爲美談何況握金鏡而照六虛幹  
璇衡而齊七政聚而成象昭

寶運之昌隆煥乎其文協

至人之光被臣愧參調鼎未識挈壺荷遭際於

聖朝飲和最渥幸躬逢乎福佑誌慶宜先瞻

天彌峻無假稱美之文就日增榮願效賡颺之義誠惶誠恐

稽首頓首而獻頌曰

皇自敬德協於太清光宅

大寶茂育羣生

湛恩汪濊萬化順成攝提有紀分野是經璣旋衡應擢曜舒

英明明象緯歸我章程 一章



月  
在  
夾  
鐘  
春  
陽  
載  
始  
五  
星  
並  
躔  
二  
曜  
合  
軌  
天  
漢  
光  
華  
閣  
道  
迤  
邐  
營  
室  
之  
次  
兩  
兩  
相  
比  
康  
阜  
告  
徵  
文  
明  
志  
喜

聖主垂裳乾坤儲祉 二章

曆宗肇紀實自高陽德盛而應厥惟陶唐東井奎璧千載相望合璧抱彩連珠曜芒順合其則動而有章式昭聖瑞神應無方 三章

於穆天命宅中有孚發揚

景運握持昌符麗天久照拱極華敷環回輻輳黍累不渝心通帝載功齊化樞元吉在上光被海隅 四章

乘乾撫運履泰臨宸祥風淑氣

厚澤深仁蟠際上下協和神人三五隆軌繁祉薦臻眷念

鴻烈肅爾明禋顯顯

令德福祿天申 五章

皇極有建錫我民極累洽重熙休光允塞天地清寧三辰受職邽隆既登

敬修彌飭履厚戴高賡歌

帝德壽域弘開於萬斯億 六章

聖治光昭河清獻瑞頌

謹序

臣聞至誠御宇兩儀昭位育之功大聖格天六合著清  
寧之慶溯苞符之協應龍馬呈圖稽川瀆之嘉徵榮光  
出水皆大河之獻瑞爲盛世之殊祥欽惟我

皇上

德協乾坤

治隆宇宙

纘承大統率由皆本於孝思

臨御兆民光被胥安於仁育法

天行健宵旰維勤與日同明隱微畢照

帝功巍煥由敷政以寧人

聖學高深在存誠而主敬蓋五年以來之

盛治洵一時莫罄其頌揚鸞輅青旗耕藉而加恩耆老橋

門璧水臨雍而推禮先儒述

聖諭則廣訓以垂萬言尊

孔子則諱名而封五代登賢舉孝振士習於寰中蠲稅緩征

恤民情於葑屋萬姓安居而樂業四方懷德而畏威減

賦額於東南海隅沐數百年未有之恩澤起營田於西

北水利增千萬頃無限之膏腴

訓欽恤以明刑示激揚以範俗文經武緯綱紀肅然物阜

民安雨暘時若我

皇上愈深乾惕事事遵

聖祖之留貽益勵精勤時時凜

昊天之神鑒興道致治美不勝書地平天成瑞因疊至旣嘉祥

之駢集又河瀆之獻徵維此黃河發源天上千里一曲

固紀勝於輿圖千年一清曾誌奇於簡牒爲聖人之大

瑞實古昔所希逢乃者歲當丙午陽德方亨月在嘉平

歲功已就上下二千里經數省而同清綿歷兩三旬入  
新年而尚澈爲時旣永閱境方長此由

聖德達

天昭極盛之功以上格是以

天心眷

聖錫至奇之瑞以協徵蓋水者天一生而地六成河者貫六  
州而宗四瀆河之瑞較諸瑞爲尤大清之瑞在河瑞爲  
更神至理昭然於

今爲盛瀕河黎庶接壤騰歡繞

殿臣工合詞稱

賀而我

皇上聖不自聖謙而又謙辭慶賀而交倣臣隣皆保泰持盈  
之訓遇嘉祥而祇承夙夜惟敷幾勤政之心念由

聖祖之垂庥錫茲介福遂荷

昊天而降鑒應以昌符懷柔旣効順於河神錫類亦

覃恩於臣下

新綸爰布

大德彌光洵乎山川河岳爭欲獻其精華而在義吳虞周

猶未方斯美盛也臣忝司密勿歷受  
國恩親覩我

聖祖功德之廣運昭垂於六十一年復見我

皇上繼述之宏模條貫乎億千萬載神人協吉天地應符俯  
察仰觀交呈疊現日月五星之象合璧連珠嘉禾瑞麥  
之祥一莖數穗邊陲寧謐重譯來庭寰海晏安豐年屢  
告慶遭逢之極盛樂疆宇之長春欣聞奇瑞於河清曷  
禁歡聲之雷動謹拜手稽首奏頌一篇其辭曰  
皇清受命

聖聖相承我

皇嗣位至孝至誠天地合德日月合明敬

天法

祖圖治勵精用人立政激濁揚清仁覆天下義正羣生勲高德

厚

天錫嘉徵如川之至如日之升一章

嘉徵旣多大河呈瑞黃流澄清河臣

奏至漕臣撫臣入告相繼僉曰河清臣親閱視汎沙若滌  
織塵不翳徹底光明映天澄霽以里計之數省之地以

日計之兼旬之事 二章

溯彼黃河發源崑崙至於積石以達龍門東流注海波  
濤吐吞粵稽典冊黃流渾渾河水清澈千載希聞實惟

上帝協應

聖君綿二千里經兩三旬朗徹今古光曜乾坤 三章

天眷

聖君嘉徵屢錫仰觀象緯俯察禾麥元氣流行太和洋溢自  
天申之川流不息又俾河清以協

聖德榮光赤文載於史冊

皇清之世超越古昔瑞應千年懽騰百職 四章

王公稽首臣庶獻忱籲請

朝賀仰答

高深

皇帝謙讓特下

綸音曰此嘉符

上帝是歆詒我多福

聖祖式臨益宜交儆克慎克欽明良喜起以協

天心煌煌

寶訓佩爲銘箴 五章

維我

聖祖昭明在上六十餘年澤流穹壤峻德豐功天高地廣民無

能名巍巍蕩蕩我

皇受之羹墻瞻仰觀此黃河波流澄朗上告

景陵以孝以享大小羣臣踴躍向往 六章

洋洋大河實切

宸衷金錢發帑固築堤工安瀾有慶維四年冬適逢其際告

厥成功懷柔効順河伯感通觀此黃河清波溶溶載申

祀典以報瀆宗大小羣臣鼓舞悅從 七章

聖人之瑞或見於古

聖人之德振古未覩嘉謨善政充溢六宇愈敬愈勤無逸作

所

治定功成

德洋恩溥大河協瑞天人相與臣拜稽首頌我

聖主億千萬歲受天之祐 八章

請禁調繁疏

協理浙江道事雲南道試監察御史臣田從典謹

題爲調繁多屬徇私請查照舊例永禁濫調以重地方以

息營求事竊臣一介迂儒四年外吏蒙

皇上不遺葑菲拔置臺班

聖德難酬愚誠思竭伏見我

皇上舉賢用能知人善任羣策羣力成例不拘故督撫仰體  
上意於州縣中廉能竝著者亦往往破格請調以示鼓舞意  
非不美事非不善而沿習旣久弊端遂生有秉公而調



者卽有徇私而調者在州縣求調之弊大約有三一曰  
希圖美缺也一曰規避衝地也一曰預爲卓薦之基也  
在督撫濫調之弊大約亦有三一曰曲徇請託也一曰  
公行賄賂也一曰引用心腹之人也然而皆借整飭地  
方爲名簡拔賢能爲說旣不拘歷俸之深淺復不論叅  
罰之有無巧爲朦朧竟成捷徑幸而得計颺颺爲之公  
行不幸而敗露遠邇爲之駭異卽如原安徽巡撫李鈞  
調桐城縣知縣錢啟鰲一案指桐城縣之繁以爲簡指  
休寧縣之簡以爲繁近日山西大寧縣知縣許晉賄調  
被叅一案先圖夏縣繼圖介休縣手本開銀至一萬數  
千兩之多其他調繁之員如調歷城縣之管承寵調南  
昌縣之王廷對等或以貪婪敗或以虧空叅若不將濫  
調之例永禁長此安窮且營求得調之員其貪酷必甚  
或前任之錢糧未清或上司之酬謝未足雖欲不侵用  
庫帑剝削民財其勢有所不能上旣蠹

國下又害民如是者宜禁且他員卽有不肖猶畏上司覺  
察若不肖之員一經調繁則督撫司道皆其護身之符  
也亦復何所忌憚如是者宜禁且一人調繁得計通省

州縣必皆探其獻媚之方人心不靜奔競成風如是者  
宜禁且小州縣調繁得計大州縣必皆尋一自固之術  
人情不安行止易壞如是者宜禁查調補舊例原爲江  
南浙江等七省中錢糧難徵之一百一十餘縣而設又  
邊遠煙瘴地方必調補熟悉風土之員臣請嗣後除舊  
例宜調者仍照舊題明調補外其餘一槩不准濫調且  
嚴定督撫違例處分則妄念旣息而吏治自清其或直  
有要地需才本官果不相宜者許該督撫明白奏請  
皇上照山陝例揀選好官補用則至公無私官方澄而民生

永賴矣緣係條陳事理字多逾格貼黃難盡未敢另繕  
如果臣言不謬伏祈

皇上敕部議覆施行

康熙四十三年八月初四日題初十日奉

旨該部議奏欽此該吏部議覆該臣等議得雲南道御史田  
從典疏稱我

皇上舉賢用能知人善任督撫仰體

上意於州縣中廉能竝著者往往破格請調以示鼓舞意非  
不美事非不善而沿習旣久弊端遂生有秉公而調者

卽有徇私而調者如原安徽巡撫李鈞調桐城縣知縣  
錢啟鰲指桐城縣之繁以爲簡指休寧縣之簡以爲繁  
近日山西大寧縣知縣許晉賄調被叅手本開銀至一  
萬數千兩之多其他調繁之員如調歷城縣之管承寵  
調南昌縣之王廷對等或以貪婪敗或以虧空叅若不  
將濫調之例永禁長此安窮查調補舊例原爲江南浙  
江等七省中錢糧難徵之一百一十餘縣而設又邊遠  
煙瘴地方必調補熟悉風土之員臣請嗣後除舊例宜  
調者仍照舊題明調補外其餘一槩不准濫調且嚴定

督撫違例處分則妄念旣息而吏治自清等因條奏前  
來查直隸山西陝西湖廣福建廣西雲南貴州四川等  
省有臣部停選聽該督撫具題調補者道府以下各官  
共二百二十五員江南浙江陝西江西湖廣廣東福建  
等省有臣部照嘗銓選仍聽該督撫具題揀選調補者  
州縣等官共一百一十七員此外道府州縣竝無調補  
之例今臺臣疏稱破格請調習久弊生請永禁濫調等  
語應如臺臣所奏嗣後除應調員缺仍照舊例調補外  
其餘一槩不許濫調如該督撫違例濫行竄奏調補照

依劣員保舉賢能例議處相應行文直隸各省督撫一體遵行又疏稱或有要地需才該督撫明白奏請照山陝例揀選好官補用等語查山陝等省道府等員缺俱開列恭候

皇上選用其餘員缺俱歸月分銓補具題引

見仰候

聖裁無容再行揀選應將此處無庸議恭候

命下臣部遵奉施行

康熙四十三年九月初一日題初六日奉

旨依議

請定行取考選之例疏

掌陝西道事雲南道監察御史臣田從典謹

題爲行取考選已有新例敬陳未盡末議以襄大典事欽  
惟我

皇上行政用人至明至當近日考選科道開列部郎翰林斷  
自

聖裁而行取知縣之引

見者奉

特旨以額外主事用此誠

皇上立賢無方之盛意也但

特恩出於一時而定例垂於永久臣查行取考選新例內有未經聲明者有稍可推廣者有尚不盡一者一得之見請爲我

皇上陳之夫未經聲明者如知縣行取宜有定期是也舊例科道員缺吏部請

旨行取各省知縣聽候考選今九卿會覆之新例行取知縣俱以主事用矣則考選科道時自不行取知縣而知縣之行取當在何日乎此處竝未議及臣請嗣後將正途

出身知縣論俸行取之處或定爲二年一次或三年一次每省照卓異例額定名數吏部按年請

旨遵行庶大典昭然而小臣倍加鼓舞矣至於例之稍可推廣者則同知知州亦應行取是也舊例同知知州輪班內陞員外惟不得與行取考選之列今知縣應陞主事可以行取主事乃同知知州應陞員外似亦可以行取員外况新臺臣陳勲鄭恂俱由知州陞任員外現蒙

皇上選用則嗣後正途出身之同知知州與正途出身之知縣各照資俸一體行取庶人材輩出而選擇愈可足用

矣若夫例之尚不畫一者以知縣行取既不由督撫保舉而京官考選例內猶有照三十六年三十九年之例令堂官保送等語則是同一事也而外官一例京官又一例矣且考選一途若必藉堂官保送則平日之交結與臨時之營謀在所難免將見臺垣建言之臣無一非部院門下之士是保送實便於樹恩而各衙門之弊端回護瞻徇誰與發覺乎臣請嗣後遇有科道員缺吏部請

旨後將正途出身之部屬與翰林竝由正途知縣陞任之中

行評博等官一體論俸開列聽候考選庶恩皆出自皇上而奔競之妄念可息矣臣因行取考選關係甚大故敢冒昧陳詞字多逾格貼黃難盡未敢另繕如果臣言不謬伏祈

睿鑒施行

康熙四十四年十一月初十日題十七日奉

旨該部議奏欽此該吏部議覆該臣等議得掌陝西道事雲

南道監察御史田從典疏稱舊例科道員缺吏部請

旨行取各省知縣聽候考選今九卿會覆之新例行取知縣

俱以主事用則考選科道時自不行取知縣而知縣行  
取當在何日此處竝未議及請嗣後將正途出身知縣  
論俸行取或定爲二年一次或三年一次每省照卓異  
例額定名數等語查定例卓異三年一舉舊有定額應  
如所奏嗣後行取知縣定爲三年一次分省行取酌定  
名數查各本省內無論有無卓異薦舉但係歷俸三年已  
滿現無錢糧盜案叅罰正途出身之俸深知縣准其行  
取再照各省縣分之多寡定行取之名數如直隸江南  
湖廣陝西四省每省行取五員山東山西河南浙江江  
西廣東四川七省每省行取四員福建行取三員廣西  
貴州雲南三省每省行取二員俟其行取到部開列引  
見後以各部主事用與應補應陞及應選各項之主事人  
員分缺補用又疏稱同知知州不得與行取考選之例  
嗣後正途出身之同知知州與正途出身之知縣照資  
俸一體行取等語查康熙四十四年六月內九卿會覆  
前任御史黃秉中條奏在外知州從無考選科道之例  
應將此處無庸議等因奉

旨依議欽遵在案查同知知州從無行取之例應將御史田



從典所奏同知知州行取之處無庸議又疏稱知縣行取不由督撫保舉而京官考選例內令堂官保送則是同一事也而外官一例京官又一例矣請嗣後遇有科道員缺吏部請

旨後將正途出身之部屬與翰林竝由正途知縣陞任之中行評博等官一體論俸開列聽候考選等語應如所奏嗣後考選科道將正途出身之部屬與翰林知縣陞任之中行評博等官照各項次序開列恭候皇上欽點補授俱停其由本堂官保舉俟

命下之日臣等遵奉施行

康熙四十四年十二月初七日題十一日奉

旨九卿詹事科道會議具奏欽此吏部等衙門會覆該臣等會議得先經吏部議覆掌陝西道事雲南道監察御史

田從典疏稱云仍照吏部前議俟

命下之日臣等遵奉施行

康熙四十五年正月三十日題二月初三日奉

旨依議

自陳疏稿

文華殿大學士兼吏部尚書加四級臣田從典謹  
奏爲遵例自陳不職懇

賜罷斥以肅察典事准吏部移稱今此京察應於雍正元年  
起將三年內所行事蹟過愆三品以上令其自陳等因  
仰見我

皇上當庶績咸熙之時尤嚴考績黜陟之法誠盛典也竊臣  
年七十六歲由戊辰科進士叨授縣令行取考選御史  
內陞由通政使司左右叅議左右通政陞光祿寺卿都

察院左副都御史轉兵部右侍郎陞都察院左都御史  
轉戶部尚書計自縣令以至尚書受

聖祖仁皇帝洪恩者三十年未能仰報於萬一臣之名過其實  
逾分已久乃復蒙

皇上洪恩簡用銓部未幾又拔置內閣由協理閣務  
特授大學士

天寵已極報稱愈難茲查雍正元年玖月內臣任戶部隨  
駕

陵寢執事加一級拾月內臣任吏部

殿試克讀卷官十一月內

恩科武會試爲正考官雍正二年二月內補行順天鄉試爲  
正考官十月內臣任協理閣務因戶部捐案停於欽奉  
上諭事案內加二級伏念臣縷短汲深望輕任重情每慚夫  
素食位徒竊於和羹加以目力久昏本章已難閱視心  
思大減奏對尤懼遺忘

聖主日月照臨察典正鉅意在風茲有位首宜嚴議臣躬臣  
謹據實自陳伏祈

皇上卽賜罷斥另行選補庶衰庸退而

綸扉可收得人之效臣無任惶悚待

命之至為此具本謹具奏

聞

奉

旨卿簡任機務正資料理著照舊供職該部院知道

乞歸疏稿

文華殿大學士兼吏部尚書加五級臣田從典謹

奏為微臣衰病日深懇

恩解退以重機務事竊臣山右庸材荷蒙

聖祖仁皇帝數十年參養之恩自縣令洊歷尚書恭逢

皇上御極屢叨

聖眷遂授臣大學士之職位重才疎撫心慚悚所自矢者惟

此樸誠一念朝夕冰兢冀以稍報

高深於萬一不意雍正四年五月間在閣辦事忽覺左手沉

重兩足無力有類癱瘓之症延醫調治雖覺稍愈然必  
扶人倚杖始能行走曾經將臣服官始末及致疾根由  
繕摺具

奏復蒙

天語慰諭

寵賜頻頒聞

命之下感激涕零自念起跡單寒品秩逾分暮年抱病理合  
退休但以受

恩深重毫無報稱是用扶衰供職又將二載無如年近八旬

血氣日耗今年入春以來舊疾加甚頭暈目昏兼以重  
聽夙夜思維實增惶悚伏念靖共匪懈者乃人臣服官  
之大義物皆戀主恩未報而思歸固臣之所不忍言也  
而度德量力者尤人臣敬事之小心蚤豈負山年愈衰  
而曠位又臣之所不敢出也况機務重大又非他職可  
比倘有貽誤關係匪輕不得已仰懇

皇上俯鑒愚忱准臣告退回籍調理俾臣得與農人野老共  
荷昇平則草野之餘生皆

聖朝之

恩賜矣臣誠惶誠恐稽首頓首無任懇切惶恐之至伏乞  
睿鑒施行謹

奏

三月初八日奉

旨卿才品優長老成練達端方公直恪慎恭謹服官供職宣  
力多年簡任綸扉正加倚眷覽奏以老病乞休情詞懇切  
著加太子太師銜以原官致仕於居第頒賞筵宴令部院  
堂官齊集並賜帑金五千兩爲還家路費及高年頤養之  
資馳驛回籍起行前著來陛辭朕面加恩諭起程之日著

在京官員等祖餞其行歸途所過地方其有司在二十里  
以內者俱著迎送旋里之後懸掛朕所賜御書匾額時令  
巡撫兩司親至其家將來頤養康健一二年後再入京陛  
見以慰朕眷念老臣之至意該部知道

謝

恩賜筵宴摺子

大學士今致仕臣田從典謹

奏爲恭謝

天恩事本月初六日蒙

皇上賜臣筵宴部院堂官遵

旨齊集臣謹恭設香案叩頭祇領訖伏念臣起跡單寒久甘

藜藿備員機務未效涓埃荷蒙

聖慈子告回籍復蒙

恩旨頻仍

寵賚稠疊

特令內務府製備筵宴九卿大臣集臣邸舍飲

天廚之芳味彌愧素餐啟

內府之黃封欣承湛露臣僚鼓舞咸稱千載之榮間里觀瞻

快覩希逢之盛臣何人斯邀茲

曠典飲和食德願長歌咏夫昇平鏤骨銘心莫獲仰酬於

高厚為此繕摺恭謝

天恩臣不勝榮幸感戴之至

遺疏

大學士今致仕臣田從典謹

奏為

君恩未報事臣蒙

聖祖仁皇帝參養深恩自縣令洊歷尚書復蒙

皇上天恩授臣大學士之職以衰病乞休

皇上格外隆恩加臣太子太師

賜宴

賜金



嶠山集  
三  
陛辭之日又蒙

恩賜衣帽數珠等物

殊恩異數千古未逢方謂草野餘年得以優游

聖世不意在良鄉地方舊疾忽劇醫藥罔效臣自念庸才陋

質名位逾分受

皇上天高地厚之恩涓埃未報惟有生生世世啣結

聖恩而已謹

奏

奉

旨司從典才品優長老成練達端方公直恪慎恭謹自辦理  
部務以及簡任綸扉實心宣力勤勞懋著屢以老病乞休  
情詞懇切朕因允其所請加太子太師銜以原官致仕賜  
以帑金馳驛回籍冀其頤養康健於一二年後再來京陛  
見以慰朕眷念老臣之意忽聞患病溘逝朕心深爲軫悼  
遣散秩大臣一員三旗侍衛六員往奠茶酒并念伊子年  
幼無辦理事務之人遣內閣漢學士一員滿洲侍讀學士  
一員前往辦理事畢之後令該地方官酌量委員沿途照  
看送至原籍加恩優恤已有旨了其應得卹典著察例具

奏伊子年幼家居著山西巡撫傳諭該地方官就近時加照看其新舊接任之員俱將此旨傳知通行遵奉前朕賞賜田從典匾額對聯可暫收巡撫衙門俟諭祭之時於兩司中令一人賫捧前往頒賜伊家該部知道

擬積貯疏

臣謹

題爲各省之積貯最重州縣之虧空時聞謹直陳利弊以收實效事臣聞立法易行法難行法易守法難凡事類然而積貯爲甚夫積貯爲賑民而設貯不多則病在法病在法猶可言也貯多而虧空則病在人病在人則其弊有不可言者矣將擇人而任而人不勝擇將嚴以防之而防之愈嚴人之干法愈衆然則果無計以處此乎非無計也其所以擇之而防之與所以變通之者在得

其道而已矣我

國家常平義倉之設遍天下

皇上特飭所在有司加謹收貯陳陳相因有備無患則

聖人有道而造化無權矣然而虧空時聞不可不急思所以

處之也臣思州縣之虧空有不可原者有可原者不可

原者上官之勒索在其前加派之不敢則動正項以用

之矣庫銀之不足則那積穀以佐之矣始也猶出於不

得已既而借出陳爲貿易則敢於侵蝕者有之始也猶

出於已之不得已既而滋口實於胥吏則又聽其共相

侵蝕者有之若夫可原者則有二焉地之高燥者頓貯

猶易若下濕之地數歲不易粟且腐爛不可食矣易銀

則有叅處聽其浥爛則有叅處而究其易銀浥爛之所

由來孰非出於無可奈何者乎亦有實借給而負在民

者或一方小有水旱尚未成災爲司牧者報之不可而

菜色已見聽之又不可權爲發借時或有之而散之易

收之難收於成熟猶易而收於再歉更難於是責以不

請輒發之罪彼亦奚辭而要其心良亦苦矣斯二者皆

有可原者也臣謂不可原者先上官而及屬吏先大吏

而及小吏

國典煌煌法行不宥嚴以申飭而已而可原者似宜稍爲體察而寬恕之夫設官以爲民也今者無病於民與有益於民而均不免於得過則人材固爲可惜而人人救過之不暇將益相率而巧爲侵冒以自聽參處則可慮者又不在人材而在

國計

皇上洞鑒其弊令九卿督撫內外會議准以存七借三又寬賠補之年限法制盡善斯亦何容復爲置喙則惟令督

撫於實心爲民之官加之意而已語曰有治人無治法又曰大臣法小臣廉又曰觀過知仁是則廉亦有道也過亦可使也吏而苟廉民以之爲歲國以之爲寶卽不幸而以積貯被議亦當揆厥所由分別處之而不盡在限年賠補之例如是則人思自奮不特奉法而且有善處之法矣平糴不可行乎穀則賤歛之而貴散之而不虞其中飽也社倉不可行乎人則民舉之而官委之而可行所無事也且佐貳不可分任其事乎耳目多而稽察易則又未見令長賢而其下有不仰承其意者也所

謂擇之而防之而變通之得其道者庶有在於此乎臣  
愚昧無知謬陳管見伏祈

睿鑒施行

擬疏通選法疏

臣謹

題爲銓政原有定例用人必在及鋒謹陳舉貢之壅滯亟  
求選法之疏通事臣聞帝王之治天下使天下之人皆  
踴躍鼓舞自奮於功名而國家因以收用人之效則惟  
銓政之疏通使之也夫天之生材原足供一代之用特  
是當其時而用之雖偏長可與奇士爭能而過其時而  
用之卽豪傑將與庸衆同伍古之用人不拘資格故周  
官三百六十屬下逮瞽御罔非正人其時朝無倖位野

無遺賢漢世選舉猶爲近古逮後槩以資格用人而先  
後多寡之間乃至於壅滯而人材遂困然行之既久未  
便驟更按其額數斟酌變通不至於紛更破例而有疏  
通之實則其道不可不急講也我

皇上資本聖神明並日月光華復旦思皇睹王國之楨顛俊  
闢門彙征慶連茹之吉而又卓異之舉時聞優者陞以  
不次寬大之

詔屢下過小子以更新至於慎捐納必廷臣屢請而後暫得  
舉行疏正途則額數較多而又永著爲例固已人思自

奮士慶彈冠矣而臣猶有請者則以舉貢一途尚多壅  
滯所當急宜變通者也夫往者進士嘗壅滯矣疏之而  
已通舉貢又壅滯矣疏之而未卽通其故何也今以選  
法論之十七人爲一班推陞捐納共得其七進士舉貢  
共得其十不爲不多矣然舉貢以兩途而得五人不特  
少於進士亦并少於推陞捐納何也推陞捐納人數卽  
多度不至如歷科揀選之舉人動以千計其途已自相  
壅滯矣而又益以歷科之恩拔歲副貢生至後之積薪  
者又不可以數計選法安得而不日滯士氣安得而不

日損乎又其甚者舉貢名爲分選而實則有停選之時  
何者今吏部選法舉貢悉依科分前後宜矣而於每科  
舉人之後附以教習貢生舉完則及於貢貢完則再及  
於舉則當舉人挨選之時而貢生曾不預其一及輪至  
貢生挨選之際而下科之舉人又曾不得預其一其間  
豈無非常之士率皆坐困於閒居之歲月而不得以自  
表見於

聖明之世卽幸而一縮半通而大槩皆遲暮之年甚可惜也  
夫士之有老與少猶日之有朝與暮也今乃不用其朝

氣而用其暮氣人材之可惜不待言矣且重失我

皇上所以疏通正途之本意也夫

皇上待舉貢與進士一體而壅滯若是者則以選法定議之  
時未能仰體

上意一通融其法耳法不通融則雖舉人揀選之例無論由  
五科減爲三科卽令其一科揀選盡如邊省之例而亦  
曾何與於選法之數乎臣查舊例選法以十三人爲一  
班後加至十七人夫加則曷不可屢加也合無量加一  
人以十八人爲率使舉貢共得六人而又將舉貢分而

二之使舉得其四貢得其二無使舉貢有偏枯之時至科分挨次悉如舊例庶每選有舉每選有貢矣所謂不至於紛更破例而有疏通之實者此也或曰班數行之已久永爲定例今特以舉貢之故而增人若別途俱請增數柰何臣謂不然夫若合舉貢之人數與別途分晰較之雖加猶爲少也今進士推陞俱得其平無論矣至捐納一途多出勢豪之家非有才能素著者也而朝出貲而暮縮綬累累而若若者果何許人也皓首窮經之儒終年戚戚卽諒增其數彼更何說乎此斷宜急爲變

通者也臣愚昧無知謬陳管見惟祈

睿鑒施行



武會試錄序

欽惟我

皇上龍飛九五百度勵精尤以人材爲急思得海內瓌瑾非常之人以效百職於是於紀元之歲

特設鄉會兩科收羅文武之士歲十一月武會試屆期樞臣列名疏請

上命親王貝勒大臣監視弓馬技勇而以臣從典偕吏部右

侍郎臣史貽直暨太僕寺卿兼理文選司郎中臣沈近

思給事中臣漆紹文監察御史臣陸賜書主事臣甘汝

嶼山集  
來考校策論與試武舉合式者一千有奇先是

簡命王大臣校其技勇列爲等第乃鎖院而試之共得士一百三十三名榜發之後例當擇其文之尤雅者進呈

御覽臣得揚言簡端臣惟三代之制軍民爲一文武未分故

取士之道司徒賓興以鄉三物六德六行六藝射御與焉而選士澤宮則專以射弧矢之利以威天下已寓於鄉舉之中矣兩漢近古猶爲一途豈非以干城腹心卽爲菁莪棫樸之彥奔走禦侮卽皆馮翼孝德之英哉唐代科目始有武舉而府兵制變乃有召募兵民分而文

武異則士夫以諷議爲高而投石超距罕聞先聖之道矣我

聖祖仁皇帝文德武功光被四表邁百王而上之乃俾應武科者兼習孔孟之書至意誠深遠哉孔子云我戰則克有文事者必有武備桓文之節制不如湯武之仁義晉文選將必說禮樂而敦詩書非韜略之難而不明乎聖賢之道之爲患通義禮之學者克敵有勇制勝有謀立忠孝之節者以戰必勝以守必固孫武吳起之書可以用兵非所以爲用兵之本也司馬法雖太公之舊戰國相

傳語焉不詳立體致用之學蓋仍當於孔孟求之已  
國家作育人材之道法良意美

皇上丕紹

聖祖之謨觀光揚烈多士奮興有司得觀其盛其爲慶幸曷有  
極哉今武舉之獲售者固皆挽強命中射疏及遠抑且  
誦法孔孟談說道義與儒生無以異其所以圖報

國恩而建立事業者尚有何道之從耶昔者三千之徒身  
通六藝七十二人冉有用矛於齊師故能入其軍三刻  
踰溝樊須爲御宵攻吳軍有若與焉由也兼人可以治

賦闕里之堂彬彬郁郁將帥之選未嘗不在其中技勇  
之長加以經術則其道愈弘矣爾多士異日宿衛

宮禁守禦封疆內爲純臣出則良將幼學壯行庶不負

朝廷教育選舉之意文武殊途寧有異道蓋於此有厚望焉  
其時知武舉某官某監試某官某例得備書

順天鄉試錄序

欽惟我

皇上稽古右文崇儒重道作興經術加意人材尤於科場取  
士優渥重疊

登極之初增廣選額

特開恩科適屆鄉舉之期仍於雍正二年補行正科所以闢  
門籲俊惟恐野有遺賢弗克登進於是海內之俊造雲  
集

太學三輔之秀異偕計俱來以應鹿鳴之選蓋惟

聖祖仁皇帝雲漢天章人被雅化

皇上膺圖纘緒菁莪之澤誕敷四極宜其藹藹吉人惟君子

命也仲春之月順天鄉試屆期

特簡臣從典借內閣學士兼禮部侍郎臣敏典厥試事聞

命之頃感愧交并伏念臣一介迂儒生長晉鄙樛櫟之才本

無寸長第以一念朴誠荷蒙

聖祖仁皇帝累次優擢洊歷司農謬掌國計

皇上臨御以來眷注彌殷每遇簡選重任得從宰輔大臣之

後復

蕪酒宸翰

賜之詩章獎諭逾涯兼

賜清謹公方扁額得以朝夕瞻仰珍物良藥

錫予蕃庶旋遷銓部忝為六曹之長臣何人斯可以克堪茲

承校士之

命庶幾竭盡心力得以幼學之業權衡多士選拔英才以仰

答萬一耳入闈之日已自盟心益勵精白庶無隕越維

時監臨則新陞府尹臣令璜提調則臣令璜仍以府丞

攝事內監試則御史臣德布臣繼燦外監試則御史臣

達禮臣貴臣嘉穀臣清臣伊納臣文煜臣音保臣續緒

各董其職虔恪謹嚴同考官侍讀臣宗敬侍講臣世遠

贊善臣兆晟給事中臣祖任臣謙恒臣喬年御史臣容

臣考祥編修臣楷臣懋臣元章檢討臣思訓臣廷對

臣廷珩吏部員外郎臣于瀛吏部主事臣在詩禮部員

外郎臣耀曾刑部主事臣聶恒俱文學之彥出於

特簡臣從典臣敏復相與恭撰載書盟手炳蕭盟於大神共

期洗滌隱私不負任使乃進祭酒臣爾登臣傳學使臣

襄所錄士子五千三百有奇鎖院而試之首場邀

恩欽定四書三題俱關內聖外王奧旨臣等跪領頒發共歎

聖學崇高訓詞深厚又

視學禮成

特廣監額十八名臣等燃膏繼晷詳加決擇先期以前列十

卷進呈

御覽奉有

俞旨臣等以

萬幾之繁恭請

聖安乃又俯念臣躬

賜之勞問益深悚仄迨於撤棘凡閱三十日夜得士二百五十一人副榜五十七人詢之輿情幸無異詞

臣敏恭繳

御批奏摺復得

溫旨又

賜克食此皆

皇上加意學校人材蔚起臣等得際其盛幸何如乎榜出例

當刊錄進

呈於是擇其文尤雅者二十篇鏤板以

獻臣得颺言簡端臣惟

皇上賜題三道首重勸善錫庶民之極次言存誠推聖人之本終合明德新民爲一事治術理學莫備於此固惟

聖主躬膺道統祖述帝王精一執中平章協和一以貫之然以此考校則所厚期於多士者又深且遠矣夫學者載籍極博猶考信於六藝故曰溫柔敦厚詩教也疏通知遠書教也廣博易良樂教也潔淨精微易教也恭儉莊敬禮教也屬辭比事春秋教也然而百家衆說雜其中雖其微言大義孰從而明之自孔子出而集著述之大

成衷羣言之淆亂仁與義始有定名道與德不徒虛位羣弟子記之爲論語二十篇而天下始曉然於道其道者皆非吾之所謂道也德其所德者皆非吾之所謂德也雖未嘗專立理學之名而實爲千古理學之宗自是而曾子述之有大學之作詳於言心子思子述之有中庸之作詳於言性迨及孟子當處士橫議之際而七篇之中言仁義言王道尤以性善爲宗與孔門師弟子之傳共相發明故論者謂其功不在禹下然而四子之書俱在而表章以爲四書與六經並行者實自宋儒始

蓋自漢以後皆擇焉而不精語焉而不詳宋時五星聚奎濂洛關閩大儒輩出而洙泗道統燦然昭明於是注疏之駁雜異端之虛無俗儒之記誦遂皆退伏矣

國家庠序科舉之設師儒以此而育才鄉會以此而取士諸生束髮受書非孔孟之言不肯習學塾肄業非程朱之說不敢從由是發爲文章應有司之程式粹然皆正道也故上以此求下以此應觀其文卽如見其行者取士之制也而上不專以此求下不專以此應因其文正



可考其行者取士之意也意非制則得之不廣制非意則核之不直今文章爾雅亦旣彬彬矣記曰先資其言拜自獻其身以成其信但能不負所言以理學爲經濟則敷歷中外忠孝大節俱在於茲此又多士異日事也聖主勵精圖治精田勸農講學行禮上格

天心甘澍立應西陲小醜隨報蕩平思與海內共登上理比跡唐虞亮天工而熙帝載必需人材分猷宣力將實賴之不徒有司知人能得士之效也敢以是爲序

辛丑會試策問

問易者五經之源也學者窮經必先易學尚矣顧本隱以之顯而自漢以後羣疑聚訟經旨乃晦豈復潔淨精微之謂歟我

皇上御纂周易折中一書所取雖有異同而要以朱子本義爲主微者以顯幽者以闡信無兩岐之惑矣學者宜如何研窮歟古周易十二篇經傳本不相連自費直王弼始合傳於經後儒悉遵之而朱子作本義乃獨復古易之舊非徒以其章句之近古而已其微意果安在歟上

下經卦數多寡不均朱子以卦之正對反對互觀之謂  
正對止成一卦反對遂成兩卦合正與反總爲三十六  
卦上下經各十八卦爲數未嘗不均其詳悉何如易有  
象有理漢儒之滯於象者拘而難通而王弼專言理亦  
虛而無據惟朱子直據辭中之象以求象中之意獨得  
易學之宗端在於此學者何以觀象玩辭得神明默成  
之道歟序卦雜卦二傳世儒因序與反對難通或疑序  
卦非聖人之書今紬繹周易折中序卦雜卦明義仰見  
聖學高深精義疊出羣儒之陋自不足言顧陳圖南反覆九  
卦之指與邵康節四象相交成十六事之言猶有取焉  
學者可無引伸觸類以求仰答  
聖明歟多士其詳著於篇

癸卯武會試策問

問用兵之道不外戰守兩端而爲將之材貴乎謀勇兼備古者寓兵於農戰守具備後之言戰言守者法各不同而要之戰貴神速守貴持久此兵之一定不易者也其說可得而詳歟孫子曰與師十萬日費千金不得操事者七十萬家此戰之所以貴神速也語曰千里裹糧士有饑色故兵制自三代而後惟唐之府兵且耕且戍法最稱善他如趙充國力主屯田之議坐破先零陸贄奏請積粟於邊而粟可支數十年范仲淹興屯西塞而

元昊稱臣此守之所以能持久也其成效可得一一而言歟將之善謀者運用變化存乎一心奇正相生神妙不測所謂行於九天藏於九淵豈膠執古法所能彷彿歟古之名將能運籌決策於帷幄之中卽能克敵制勝於疆場之際固知有勇者必兼有謀然則六花之陣九軍之法三支之勢五練之宜所以善持於全勝之後者豈可闕焉不講歟我

國家兵制精嚴遠超歷代承平日久武備益修我

皇上聖武布昭神謀內斷慎選元戎軫恤軍士邊庭充實士馬飽騰邇者凱音疊奏寰宇歡呼從此烽烟永息耕作大興其卽古者寓兵於農戰守兼備之法較唐府兵之制不更周密而盡歟汝多士講求韜略嫻習技勇有素矣其昌言之以爲

當宁獻

甲辰順天鄉試策問

問治術原於學術經濟通於性命堯舜以精一執中開  
萬世道學之統禹湯文武先後同揆孔孟程朱心源遙  
接我

皇上體元立極學究天人仁孝之心孚於萬類誠所謂明哲  
作則萃帝王師儒之道於一身者也夫體用一原顯微  
無閒性分之所固有實爲職分之所當爲伊尹之相湯  
也一夫不獲曰時予之辜管敬仲治齊非不民衣民食  
教孝教弟顧一以爲王道一以爲霸功其根原之不一

者何歟老氏五千言簡淨寧一顧何以蕩而爲莊列傳而爲申商又流而爲李斯之治秦其宗旨之錯謬者何在歟朱子作王氏續經說謂使王仲淹得用比荀楊韓子更懇惻而有條理其序道統則及董相諸葛武侯韓文公而不及文中子又皆有未滿之辭直以周程上承孟氏何歟周子標主靜立極之說其論治也曰心純則賢才輔賢才輔則天下治程子諄諄於主敬主一其上書也曰君志立而天下定張子曰朝廷以道學政術爲二事此自古之可憂者其作西銘則推理一分殊而功

極於無忝匪懈朱子之學知行並進涵養踐履兼盡其論治也曰徒言正心而不足以識事物之要或精覈事情而特昧夫根本之歸則是腐儒迂濶之論俗士功利之談周程張朱其學術之同條而共貫者可得而申言歟明朝河東餘干學術最純仁宣孝宗致治亦盛正嘉以降或標頓悟或流雜博不遵朱學厭薄傳註學術漓而治術亦壞其相因者果何若歟夫體仁足以長人修道正以立教多士幸際

聖明其有志於內聖外王之學久矣其悉所聞以對

策問四道

問設官分職所以爲民故民生安危由于吏治之得失  
史稱循吏顧不重歟親民之官莫如守令然往往陞賞  
甚多而彈章未絕循良疊奏而失職時聞何以使郡皆  
龔黃之良縣被卓魯之化歟夫論吏治者曰廉曰能曰  
寬曰猛其道不可偏廢而人才不同所尚遂異安靜之  
吏惻怛無華雖有不煩之名而每憂于廢事武健之才  
不畏強禦雖有集事之能而又憂其傷化二者孰勝將  
何從歟抑或大吏之好尚先有異同將無承望風旨而

不能自行其志歟且守令之職恩則父母義則師表生  
養之計教化之道皆宜留意而偏才小能不知大體豈  
承流宣化之意歟茲欲使其興廉舉孝正已化民所以  
崇獎而鼓勵者抑何道之從也原古昔設官之意考歷  
代課吏之法寓撫字于催科以刑罰爲教化此家給人  
足風醇俗美之源也爾多士其詳悉言之以預觀所設  
施焉

問積貯者天下之大命也古者以三十年之通制國用  
雖遇水旱饑饉民無菜色救荒無奇積穀非其急務歟

皇上愛養黎元凡閭閻疾苦曲爲軫恤而先事圖維今常平  
倉之積貯按冊而稽陳陳相因矣乃一方偶歉卽煩

聖慮蠲賑之外又復截漕接濟饑民乃得粒食是則有司之  
奉行僅屬空文不肖之侵蝕猝難稽核清理之道果安  
在歟夫李悝平糶之政耿壽昌常平之設及長孫平之  
義倉朱子之社倉人人習聞其說今欲斟酌往古制宜  
于今何者爲最夫貯於官者平時旣患其侵那有事又  
苦其留難固不若貯於民間之爲便然而事無統轄勸  
輸則不時交納還倉則不免逋欠且鄉士大夫安得盡



如朱子其人者而任之歟象山陸氏曰社倉固爲農利然一遇歉歲有散而無斂來歲闕種糧時無以賑之矣莫若兼置平糴一倉以代社倉之匱則官民相倚上下兩濟或亦可行歟爾多士深於經術其於民生大計必有碩畫其悉意以對以資採擇焉

問有文事者必有武備周官六卿教養之後次以司馬寓兵于農四時講武法至備也後世兵民旣分勞民以養兵設兵以衛民教養之法整飭之道可不講歟我

皇上鴻功偉略四海大定然猶思患豫防文武並重官弁必

經選擇武科加以語孟近又文武兼習務求真才行伍之士優加賞犒固已聲靈赫濯威行無外矣然有一兵必有一兵之餉防汛難省廩給多耗則興屯汰冗亦有可講者歟抑兵餉所出皆由民力而將弁不肖扣剋時聞何以使兵沾實惠歟將重技勇兼尚謀略古人論將或欲於軍中選擇或欲驗於治兵無事之時法莫踰此然二者孰善夫說禮樂而敦詩書任將之道也少長有禮制勝之本也今何以使將有儒雅之風士無驕悍之習歟且時平事靜積習易弛凡羸弱雜充屯戍荒廢額

籍空懸皆不可不慮何以儆戒之使無怠廢歟蓋將士相安兵民和輯糧餉無虧緩急有賴武備之至計也其悉言之

間刑者聖人不得已而用之以弼教者也舜象典刑而四方風動周官司寇掌邦禁詰奸慝刑暴亂厥後刑措四十餘年不用休哉風何隆歟我

皇上至仁如天愛民如子而於用刑尤爲加意凡奏當之成其難其慎每天時暑熱清理刑獄天下自無冤民矣然獄辭百變條例繁多奸吏或析律二端上下其手何道

而使其仰體

聖意用法明允歟易曰君子以議獄緩死今讞獄自郡邑遞轉而上至於覆奏緩之至慎之至也然一案而踰限經年無辜拖累破產失業何以使獄無淹禁如期決斷歟書曰罪疑惟輕功疑惟重與其殺不辜寧失不經蓋以疑則非法之所能定故不得已而姑從輕減而鄙儒之姑息俗吏之便文自營遂一以輕刑爲事朱子深斥之豈引經斷獄之意歟夫諄諄於祥刑呂刑之所以見取也中正明達果斷通書之所爲訓也多士學古入官將

有民社之責者試言之以資採擇焉

